

# BULETIN **unisel** UNIVERSITI SELANGOR

*Peneraju Transformasi*

**MELAKAR  
KEJAYAAN  
AGENDA  
UTAMA  
UNISEL  
2019**



**MALAM  
APRESIASI RAI  
KAKITANGAN  
UNISEL**

**JELAJAH 360°  
SMART SELANGOR  
DIKUASAKAN  
OLEH UNIVERSITI  
SELANGOR**

**PEMBANGUNAN  
AKUAKULTUR SEJAJAR  
DENGAN INDUSTRI  
REVOLUSI 4.0**

**PROF. MADYA DR HAMDAN DATO' MOHD SALLEH NAIB  
PRESIDEN & TIMBALAN NAIB CANSELOR BAHRU**

# DARI MEJA editor



## sidang editorial

*Bismillahirahmanirahim,*

**S**ebagai pembuka bicara, ingin saya memanjangkan kesyukuran kehadrat Ilahi kerana dengan limpah kurnia dan keizinanNya, Buletin UNISEL keluaran Januari 2019 telah dihasilkan dengan jayanya. Saya juga mengambil kesempatan ini untuk mengucapkan jutaan terima kasih kepada semua yang terlibat dalam usaha merealisasikan penghasilan Buletin UNISEL keluaran Januari 2019. Buat pihak fakulti dan jabatan lain yang senantiasa memberi sokongan kepada Pejabat Komunikasi Korporat dalam menganjurkan program-program universiti, terima kasih saya ucapkan.

### Sidang pembaca sekalian,

Tahun 2018 mencipta pelbagai kenangan manis buat Universiti Selangor (UNISEL) yang semakin gah mengharungi arus modenisasi. Sekalung tahniah diucapkan kepada pihak pengurusan dan seluruh kakitangan universiti yang berjaya membuktikan kemampuan untuk bersaing dengan universiti-universiti lain di Malaysia apabila UNISEL menerima dua pengiktirafan oleh pihak Standard and Industrial Research Institute of Malaysia (SIRIM). Dua pengiktirafan tersebut adalah ISO 9001: 2015 (Sistem Pengurusan Kualiti) dan ISO 21001 : 2018 Educational Organisation Management System (EOMS). Apa yang lebih menarik, UNISEL merupakan universiti pertama di Malaysia yang menerima pengiktirafan EOMS.

Sepanjang tahun lepas, UNISEL banyak bekerjasama dengan pihak kerajaan Negeri Selangor antaranya pengajianan program 'Selangor Innovation and Creativity Exposition 2018' (SLICE18) bagi mencari bakat-bakat baharu dalam inovasi sejarah dengan hasrat kerajaan negeri untuk menjadikan Selangor sebagai salah satu hub pendidikan terunggul di Malaysia.

Bagi meningkatkan lagi penjenamaan imej, UNISEL juga bekerjasama dengan Menteri Besar Selangor (Pemerbadanan) (MBI) dalam pengajianan Karnival Jelajah 360° Smart Selangor' di tiga daerah sekitar Selangor iaitu di Pantai Remis pada bulan Oktober, di Batang kali pada bulan November dan penutup tahun 2018 di Pantai Morib pada bulan Disember.

Harapan saya untuk tahun 2019 ini adalah UNISEL akan terus mengorak langkah ke hadapan dan terus melakar pelbagai kejayaan baik dari segi penyelidikan, akademik mahupun pengurusan. Akhir kata, saya ingin mengucapkan Selamat Tahun Baharu 2019 kepada semua pembaca. Ayuhlah melangkah ke tahun baharu dengan semangat yang lebih membara dan tekad untuk membawa lebih banyak kejayaan yang penuh bermakna.

**HASRIL ABU HASSAN**  
Pengarah Komunikasi Korporat

Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

**Pejabat Komunikasi Korporat**

Tingkat 5, Bangunan Satelit  
Jalan Zirkon A7/A, Seksyen 7  
40000 Shah Alam  
SELANGOR.

Tel : +603-55223420  
Email : corporate@unisel.edu.my  
Website : www.unisel.edu.my



Universiti Selangor

**PENAUNG:**

Prof Dato' Dr. Mohammad Redzuan Othman  
(Presiden & Naib Canselor)

**KETUA EDITOR:**

Hasril Abu Hassan  
(Pengarah Komunikasi Korporat)

**EDITOR:**

Nik Nabilah Nik Aziman  
(Pegawai Komunikasi Korporat)

**WARTAWAN:**

Nor Illiana Fasihah Zahari  
(Pegawai Berita)

**FOTOGRAFI:**

Abdullah Mahsen (Jurugambar)

**PEMBANTU EDITORIAL:**

- Hasni Mohd Noor
- Rafikah Saini
- Dhiya Camilia Rezali



5



6



8



10



11

## KANDUNGAN



12

- 2 Dari Meja Editor
- 3 Isi Kandungan
- 4 Melakar Kejayaan Agenda Utama UNISEL 2019
- 5 UNISEL Terima Sijil Sistem Pengurusan Kualiti ISO 9001: 2015 dan ISO 21001: 2018
- 6 SLICE18
- 7 Prof. Madya Dr Hamdan Dato' Mohd Salleh Naib Presiden & Timbalan Naib Canselor Baharu
- 8 - 9 Jelajah 360 ° Smart Selangor Dikuasakan oleh Universiti Selangor
- 10 Seminar Antarabangsa Pendidikan Proset 2018, Pendidikan Era Revolusi 4.0
- 11 Pembangunan Akuakultur Sejarah Dengan Industri Revolusi 4.0
- 12 Malam Apresiasi Rai Kakitangan UNISEL
- 13 Malam Anugerah Cemerlang UNISEL Disambut Gilang-Gemilang
- 14 Lebih 1,500 Sertai Perarakan Maulidur Rasul di UNISEL
- 15 Gabungan UNISEL – Luas Juara Inovasi Peringkat Negeri Selangor



# MELAKAR KEJAYAAN AGENDA UTAMA UNISEL 2019

Prof. Dato' Dr. Mohammad Redzuan Othman, Presiden dan Naib Canselor Universiti Selangor (UNISEL) menyatakan agar kesemua kakitangan dapat membina budaya, menampilkan kualiti kerja yang cemerlang dan lebih berdaya saing sempena kedatangan tahun baharu 2019.

"Kita berjaya membuktikan dalam tempoh tiga tahun, kita meraih pelbagai kejayaan dan saya berharap pada tahun 2019 ini, UNISEL akan terus terkehadapan untuk melakar lebih banyak lagi kejayaan baik dari segi pentadbiran, penyelidikan mahupun pendidikan," ucap beliau semasa Majlis Perutusan Amanat Tahun Baharu yang berlangsung di UNISEL Kampus Bestari Jaya.

"UNISEL sebelum ini mewarisi infrastruktur yang amat daif, tiada kenaikan pangkat malah lima tahun tiada kenaikan gaji. Alhamdulillah, dalam tempoh tiga

tahun saya menerajui UNISEL, beberapa perubahan telah berjaya dilakukan," ucap beliau.

Tambah beliau lagi, pelbagai usaha telah dijalankan dalam usaha untuk menjelaskan aspirasi dan hala tuju UNISEL antaranya dengan mengadakan kunjungan hormat dengan pelbagai pihak, daripada pimpinan politik sehingga pemimpin masyarakat.

"Pada tahun ini, kita akan teruskan lagi kunjungan hormat kerana menerusi program ini, ia dapat membuka mata banyak pihak untuk melihat UNISEL sebagai sebuah universiti yang mempunyai potensi yang amat besar terutama sekali dalam bidang pendidikan," tambah beliau.

Tahun 2018 merupakan tahun yang paling cemerlang buat UNISEL apabila menerima kunjungan daripada YAB Dato' Seri Dr Wan Azizah Wan Ismail,

Timbalan Perdana Menteri Malaysia, YAB Tuan Amirudin Shari, Dato' Menteri Besar Selangor serta Dr. Makio Miyagawa, Duta Besar Jepun Ke Malaysia.

UNISEL pada tahun baharu ini juga akan meneruskan proses menaiktaraf infrastruktur dan melestarikan persekitaran baik dari segi teknologi maklumat, pembangunan serta aktiviti penghijauan kampus. Apa yang lebih bermakna, kampus Bestari Jaya akan menjadi induk dan kampus Shah Alam akan dioperasi sepenuhnya oleh Fakulti Perniagaan dan Perakaunan.

Program penjenamaan juga akan diteruskan melalui aktiviti-aktiviti kemasyarakatan bagi menaikkan imej dan membuka mata masyarakat tentang keberadaan UNISEL terutama sekali mereka yang berada di negeri Selangor.

Satu lonjakan paradigma untuk UNISEL pada tahun 2019 apaila menerima dua pengiktirafan daripada SIRIM iaitu ISO 9001: 2015 dan ISO 21001: 2018 'Educational Organization Management System' (EOMS) pada 15 November 2018.

Di akhir program, Prof. Dato' Dr. Mohammad Redzuan turut mengumumkan insentif bagi tahun 2019 sebanyak RM500 yang akan disalurkan kepada kakitangan pada bulan Februari 2019 dan kenaikan gaji bagi yang layak sebanyak 3%.

# UNISEL TERIMA SIJIL SISTEM PENGURUSAN KUALITI ISO 9001:2015 DAN ISO 21001:2018



Universiti Selangor (UNISEL) baru-baru ini menerima pengiktirafan pensijilan ISO bagi sistem pengurusan kualiti oleh pihak Standard and Industrial Research Institute of Malaysia (SIRIM) menerusi Majlis SIRIM Industri 2018 yang berlangsung di Hotel Marriot, Putrajaya.

Majlis tersebut dirasmikan oleh YB Dr. Ong Kian Ming, Timbalan Menteri Perdagangan Antarabangsa dan Industri. Pada majlis tersebut, UNISEL menerima dua pengiktirafan iaitu ISO 9001: 2015 (Sistem Pengurusan Kualiti) dan ISO 21001: 2018 (*Educational Organisation Management System (EOMS)*).

Kedua-dua sijil tersebut disampaikan oleh YB Dr. Ong Kian Ming kepada Prof. Dato' Dr. Mohammad Redzuan Othman, Presiden dan Naib Canselor yang merupakan individu cukup komited bagi merealisasikan pengiktirafan ini. Apa yang lebih membanggakan, UNISEL merupakan universiti pertama yang memperoleh pensijilan '*Educational Organisation Management System (EOMS)*'.

Prof. Dato' Dr. Mohammad Redzuan Othman ketika ditemui berkata beliau amat berbangga dengan kesemua kakitangan UNISEL yang telah bertungkus-lumus untuk merealisasikan hasrat untuk menjadikan



UNISEL sebagai sebuah universiti yang mempunyai pengurusan kualiti yang baik.

"Dalam tempoh dua tahun UNISEL berusaha untuk mendapatkan pensijilan ini dan hari ini adalah hari bersejarah sekali gus mampu memberi impak positif pada masa akan datang. Justeru, menerusi pensijilan ini, ia mampu meningkatkan lagi keyakinan pelajar untuk menjadi salah satu warga UNISEL," katanya.





# SELANGOR INNOVATION & CREATIVITY EXPOSITION

GENERATING INNOVATION & CREATIVITY



Program *"Selangor Innovation and Creativity Exposition 2018" (SLICE18)* telah dirasmikan oleh Dr. Mohd Nor Azman Hassan, Timbalan Pengarah Pendidikan Tinggi, JPT. Majlis perasmian tersebut berlangsung di Dewan Pro-Canselor Universiti Selangor (UNISEL) kampus Shah Alam dan dihadiri peserta-peserta dari seluruh Malaysia.

Dr. Mohd Nor Azman Hassan dalam ucapannya melahirkan rasa kagum dengan bilangan penyertaan seramai 120 peserta yang terdiri daripada ahli akademik, pelajar intitusi pengajian tinggi, NGO dan orang awam. Beliau berpendapat bahawa para saintis perlu diperbanyakkan dan bidang pendidikan harus dipertingkatkan lagi agar dapat duduk sama rendah dan berdiri sama tinggi dengan industri antarabangsa.

Prof. Dato' Dr. Mohammad Redzuan Othman, Presiden dan Naib Canselor UNISEL pula berharap agar program yang

melibatkan kepelbagaiannya latar belakang peserta dan bersifat keintelektualan ini dapat diteruskan lagi pada masa akan datang. Tambah beliau, program seperti ini dapat memupuk minat masyarakat setempat untuk datang ke UNISEL dan sama-sama melihat inovasi yang dipamerkan selaras dengan pembangunan industri 4.0 (IR 4.0) di Malaysia.

SLICE18 yang berlangsung selama tiga hari bermula 14 hingga 16 November 2018 ini merupakan program yang dijalankan dalam usaha untuk menjadikan Selangor pusat penyelidikan serantau. Menerusi tema "Menjana Inovasi dan Kreativiti", SLICE18 turut menyediakan pelbagai program menarik antaranya pameran produk, bicara industri berkenaan IR 4.0.

Program ini bertujuan bagi merangsang dan menarik pelajar tempatan dan penyelidik untuk melaksanakan aktiviti ilmiah dan mempertingkatkan inovasi

dalam kalangan peserta. Dalam pada itu, program ini memperluaskan ruang bagi para inovator baharu dan pelawat untuk bertukar pendapat dan pandangan mengenai hasil inovasi.

Terdahulu, Dr Makio Miyagawa, Duta Besar Jepun ke Malaysia diberi penghormatan untuk menyampaikan syaran khas sempena SLICE18. Beliau yang juga merupakan penerima Anugerah Ijazah Kehormat Sains Politik UNISEL menyampaikan syaran bertajuk 'Penglibatan Semula Jepun dengan Asia Tenggara, Terutamanya Dengan Malaysia di Bawah Pentadbiran Baharu'.

Majlis penutup SLICE 2018 pula telah dirasmikan oleh Y.B. Tuan Hee Loy Sian, Pengurus Jawatankuasa Tetap Alam Sekitar, Teknologi Hijau, Sains, Teknologi Dan Inovasi (STI) dan Hal Ehwal Pengguna Selangor.



# PROF. MADYA DR HAMDAN DATO' MOHD SALLEH NAIB PRESIDEN & TIMBALAN NAIB CANSELOR BAHARU

Sekalung tahniah buat Prof. Madya Dr. Hamdan Dato' Mohd Salleh yang dilantik sebagai Naib Presiden & Timbalan Naib Canselor (Pembangunan Pelajar dan Jaringan Komuniti) baharu. Pelantikan beliau berkuatkuasa pada 1 Januari 2019. Beliau sebelum ini menyandang jawatan sebagai Dekan Pusat Pengajian Asasi dan Umum.



# JELAJAH 360° SMART SELANGOR DIKUASAKAN OLEH UNIVERSITI SELANGOR

Menteri Besar Selangor (Pemerbadanan) (MBI) baru-baru ini menganjurkan Karnival Jelajah 360° Smart Selangor dikuasakan oleh Universiti Selangor (UNISEL). Karnival tersebut berlangsung di tiga daerah iaitu Pantai Remis Kuala Selangor, Batang Kali Hulu Selangor dan Pantai Morib Kuala Langat.

Lokasi pertama jelajah dirasmikan oleh Zannifa Azura Ahmad, Ketua Pegawai Kewangan MBI mewakili YM Raja Shahreen YM Raja Othman, Ketua Pegawai Eksekutif MBI. Lokasi kedua di Batang Kali, negeri, VR Smart Truck, program bual Hulu Selangor pula dirasmikan oleh YB bicara bersama selebriti, *"meet and greet"* Harumaini Omar, Ahli Dewan Undangan bersama pemain bola sepak Selangor, Negeri (ADN) Batang Kali bersama Prof. konsert dan bazaria.

Dato' Dr Redzuan Othman, Presiden dan Naib Canselor UNISEL manakala lokasi ketiga dirasmikan oleh YM Raja Shahreen YM Raja Othman, Ketua Pegawai Eksekutif MBI.

Ketiga-tiga lokasi jelajah disambut meriah oleh para pengunjung yang hadir rata-ratanya dari sekitar negeri Selangor dan Lembah Klang. Pelbagai aktiviti menarik disajikan kepada pengunjung antaranya pameran agensi kerajaan Eksekutif MBI. Lokasi ketiga di Pantai Morib Kuala Langat, negeri, VR Smart Truck, program bual Hulu Selangor pula dirasmikan oleh YB bicara bersama selebriti, *"meet and greet"* Harumaini Omar, Ahli Dewan Undangan bersama pemain bola sepak Selangor, Negeri (ADN) Pantai Morib bersama Prof. konsert dan bazaria.

## BATANG KALI



## PANTAI MORIB



## PANTAI REMIS





# SEMINAR ANTARABANGSA PENDIDIKAN PROSET 2018, **PENDIDIKAN DI ERA REVOLUSI INDUSTRI 4.0**

Universiti Selangor (UNISEL) menerusi Fakulti Pendidikan dan Sains Sosial (FESS) dengan kerjasama Pembimbing Pakar Rakan Peningkatan Sekolah Selangor (SISC+), Rakan Peningkatan Sekolah Selangor (SIP+) dan Jabatan Pendidikan Selangor baru-baru ini menganjurkan Seminar Antarabangsa Pendidikan ProSET 2018 di Auditorium Za'ba, FESS, UNISEL Kampus Bestari Jaya.

Seminar yang julung kali diadakan ini membuka penyertaan kepada warga pendidik institut pengajian tinggi dari dalam dan luar negara selaras dengan usaha mendapatkan penarafan antarabangsa demi melonjakkan budaya kerja berdasarkan kajian ilmiah rentas negara bagi meningkatkan tahap kualiti pendidikan di negeri Selangor selaras dengan hasrat kerajaan untuk memperkasakan pendidikan ke peringkat antarabangsa.

Bertemakan Pengantarabangsaan Pendidikan Seiring Era Revolusi Industri 4.0 (IR4.0) Y.B. Juwairiya Zulkifli, ADUN Bukit Melawati dalam ucapan perasmian berkata, dalam ledakan RI 4.0, segala urusan harian manusia akan dikongsi bersama robot yang dicipta untuk mengoptimumkan keperluan dan keselesaan manusia. Tambah beliau, teknologi automasi dilihat sebagai keupayaan teknologi yang tidak perlu melibatkan manusia secara langsung.

"Dalam mendepani cabaran IR4.0, pelajar di universiti harus keluar daripada kebiasaan. Forum Ekonomi Dunia (WEF)

menggariskan pentingnya penguasaan elemen 4C iaitu *Critical Thinking and Problem Solving, Collaboration, and Creativity* pada semua peringkat pengajian," katanya.


Beliau dalam pada itu menyarankan agar masyarakat menajamkan kemahiran dalam penyelesaian masalah kompleks seperti kedalaman analisis, keterlibatan isu yang unik, keperluan mematuhi piawaian ditetapkan dan sebagainya dapat ditangani secara agresif dan holistik selain memperkemas kemahiran komunikasi lisan dan bertulis agar lebih banyak kompetensi penguasaan bahasa yang secara tidak langsung menjadikan pelajar dapat berdiri megah di arena globalisasi.

"Masyarakat perlu kukuhkan diri sebagai pemimpin dan ahli pasukan. Penyelesaian masalah kompleks merentasi disiplin secara tuntas memerlukan kerjasama berpasukan cemerlang. Sebagai ketua dan ahli pasukan yang berkesan, selain pengetahuan teknikal, karisma dan kepemimpinan berinovasi adalah resepi kejayaan kerja berpasukan" tambahnya.

Seminar ini menampilkan lima pembentang utama iaitu Prof. Dr. William R. Barrat dan Ahmed Mohamed dari Fakulti Pendidikan Universiti Malaya, Sarah Howling, Pengetua The Alice Smith School Secondary Campus, Panetta Nitayaphorn, Presiden Organisasi Guru Bahasa Inggeris Thailand (Thailand TESOL) dan Prof. Dr. D. Christiana Victoria Marta dari Universiti Padjadjaran dan Langlangbuana, Bandung, Indonesia.



# PEMBANGUNAN AKUAKULTUR SEJAJAR DENGAN INDUSTRI REVOLUSI 4.0



Penganjuran Selangor Innovation and Creativity Exposition 2018 (SLICE18) yang berlangsung pada 14 sehingga 16 November lepas bertambah rancak dengan beberapa aktiviti yang dijalankan dan antara yang menarik perhatian adalah program Syarahan Profesor Kali Ke-5.

Syarahan yang disampaikan oleh Prof. Dr. Sharr Azni Harmin dari Fakulti Kejuruteraan dan Sains Hayat bertajuk "Into The Blue: The Promise of Aquaculture" membincangkan perihal spesis akuatik dan teknologi dalam industri perikanan di Malaysia. Ini sejajar dengan objektif SLICE18 untuk mempamerkan inovasi-inovasi selaras dengan pembangunan industri 4.0.

Menurut beliau, produktiviti bagi spesis akuatik terutama sekali bagi spesis yang berharga boleh meningkat dengan pesat dibawah pengurusan yang betul.

Begitu juga dengan pemilihan genetik dari kepelbagaiannya ciri dapat meningkatkan produktiviti seterusnya meningkatkan pasaran perikanan di Malaysia.

"Prinsip dan tujuan sains akuakultur adalah bagi mengembangkan sistem marin dimana organisme aquatik dapat membesar dan dituai dalam kadar lestari tanpa merosakkan alam sekitar" katanya.

Tambah beliau lagi, industri akuakultur di Malaysia memainkan peranan yang sangat penting dalam membekalkan makanan berasaskan ikan kerana menurut kajian, sektor ini mengeluarkan sebanyak 1.99 juta tan yang bernilai RM13.18 juta selain sumbangan daripada sumber akuakultur sebanyak 506,454 tan yang bernilai sebanyak RM3.3 juta.

"Oleh kerana penurunan dalam hasil tangkapan, akuakultur kini merupakan salah satu sumber utama protein bagi

30.75 juta penduduk di negara ini. Walaubagaimanapun, Clarias, Pangasius dan tilapia antara spesis yang masih mendapat permintaan tinggi," ujarnya.

SLICE18 yang berlangsung selama tiga hari bermula 14 hingga 16 November 2018 bertempat di Universiti Selangor kampus Shah Alam ini merupakan program yang merangsang pelajar dan penyelidik tempatan untuk bersama-sama memperlihatkan inovasi-inovasi yang selaras dengan pembangunan industri 4.0 di Malaysia.



# MALAM APRESIASI RAI KAKITANGAN UNISEL

Seramai 770 orang kakitangan Universiti Selangor (UNISEL) hadir ke Malam Apresiasi Warga UNISEL 2018. Bertemakan "*Glamorous Red Carpet*", majlis ini diadakan bagi memberi penghargaan kepada seluruh warga universiti yang berjaya mewujudkan hasrat Prof. Dato' Dr. Mohammad Redzuan Othman, Presiden dan Naib Canselor dalam menerajui transformasi pendidikan di UNISEL.

Lebih manis, majlis ini juga diadakan bagi meraikan kejayaan UNISEL memperoleh dua pensijilan ISO bagi sistem pengurusan oleh SIRIM iaitu ISO 9001:2015 dan ISO 21001:2018. Apa yang lebih membanggakan lagi, UNISEL merupakan universiti pertama yang memperoleh pensijilan '*Educational Organisation Management System (EOMS)*'.

Hadir memeriahkan majlis adalah YB Puan Rozana Zainal Abidin, Ahli Dewan

Undangan Negeri Permatang dan YB Puan Juwairiya Zulkifli, Ahli Dewan Undangan Negeri Bukit Melawati. Turut hadir adalah Hjh Adibah Ahmad, Mantan Timbalan Dipertua MAWAR-UNISEL.

Dalam pada itu, Presiden dan Naib Canselor menyampaikan sijil penghargaan kepada juruaudit dalaman ISO serta beberapa penganugerahan lain turut diberikan kepada kakitangan yang menunjukkan prestasi cemerlang sepanjang berkhidmat di UNISEL antaranya Anugerah Staf Sokongan Gred 27 (Lelaki & Perempuan), Anugerah Staf Pentadbiran Gred 32 Ke Atas (Lelaki & Perempuan), Staf Akademik (Lelaki & Perempuan), Anugerah Khas Staf Cakna Siswa dan Anugerah Setia Impian.

Berikut merupakan anugerah yang dipertandingkan beserta nama-nama pemenang bagi setiap anugerah:

#### Staf Sokongan Gred 27 Ke Bawah

1. Anuwar Zamani Samad (Lelaki)
2. Syahidayani Ashaari (Wanita)

#### Staf Pentadbiran Gred 32 Ke Atas

1. Raj Mohamad Abdul Latiff (Lelaki)
2. Qiesty Zarina Ghazali (Perempuan)

#### Staf Akademik

1. Dr.Hazeeq Hazwan Azman
2. Nur Farhana Abd Wahid

#### Anugerah Staf Cakna Siswa

1. Prof. Madya Dr. Hamdan Dato' Mohd Salleh
2. Datin Dr. Hajah Asmah Ahmad
3. Saiman Haji Kamin
4. Razali Mansor
5. Muhammad Firdaus Abdul Hamid
6. Nur Farhana Abd Wahid

#### Anugerah Setia Impian

1. Mas Anira Tasmin
2. Fazliza Samsudin
3. Muhammad Saad Shamsudin
4. Muhammad Wazir Muslat
5. Harizal Hamid
6. Faizah Amran
7. Dr. Mohd Zubairy Shamsudin
8. Fadia Razali
9. Masziana Sukur





# MALAM ANUGERAH CEMERLANG UNISEL DISAMBUT GILANG-GEMILANG

Universiti Selangor (UNISEL) menganjurkan Majlis Makan Malam bersempena Istiadat Konvokesyen UNISEL Kali Ke-13 dan Anugerah Cemerlang UNISEL 2018 bertempat di Grand Dorsett, Subang. Majlis makan malam tersebut berlangsung bagi meraikan pelajar serta kakitangan UNISEL yang cemerlang sepanjang tahun 2018.

Anugerah Canselor diraih oleh Ng Zheng Jian, graduan Sarjana Muda Kewangan yang menerima wang tunai sejumlah RM5,000 sumbangan Perbadanan Kerajaan Negeri Selangor (PKNS).

Syafika Alya Anua, graduan Sarjana Muda Psikologi Industri pula meraih Anugerah Presiden dan membawa pulang wang tunai berjumlah RM3,000 sumbangan Pejabat Perbadanaan Negeri Selangor.

Bagi Anugerah Naib Canselor dan Anugerah Exco Pendidikan pula diraih oleh Aisha Ahmed Mohamed Motawh, graduan Sarjana Muda Komunikasi Korporat dan Nurul Aqilah Mahmud, graduan Diploma Pendidikan Pengajian Islam. Masing-masing membawa pulang wang tunai berjumlah RM2,500 sumbangan Pejabat Setiausaha Kerajaan Negeri Selangor.

Bagi Anugerah Perkhidmatan Cemerlang 2018, sebanyak enam kategori dipertandingkan iaitu kategori Staf Sokongan Terbaik, Staf Pengurusan dan Profesional Terbaik, Staf Penyelidik Cemerlang, Staf Akademik Terbaik, Pusat Tanggungjawab Terbaik dan Fakulti Terbaik. Para pemenang membawa pulang sijil

penghargaan, trofi dan wang tunai.

Kategori Staf Sokongan Terbaik telah dimenangi oleh Abdul Wahab Yusop dari Pejabat Pentadbiran dan Sumber Manusia, Abdullah Taufiq Yusof dari Bahagian Keselamatan dan Mislinda Mislan dari Pusat Pengajian Asasi dan Umum.

Bagi kategori Staf Pengurusan dan Profesional Terbaik Bukan Akademik pula dimenangi oleh Noorul Azkhi Mohamad Bajuri dari Pejabat Bendahari, Nor Helwa Sansuri Bahagian Pembangunan Pelajar dan Jaringan Komuniti dan Sulaiman Daud dari Pejabat Pentadbiran dan Sumber Manusia.

Manakala bagi kategori Penyelidik Cemerlang dimenangi oleh Dr. Mohamad Ropanning Sulong dari Pusat Pengajian Siswazah, Dr. Lai Long Wee dari Fakulti Kejuruteraan dan Sains Hayat dan Prof. Madya Dr. Maegala A/P Nallapan Maniyam dari Pusat Pengajian Asasi dan Umum.

Seterusnya, bagi kategori Staf Akademik dimenangi oleh Prof. Madya Dr. Azza Azlina Md Kassim dari Fakulti Perniagaan dan Perakaunan, Dr Hazzeq Hazwan Azman, Timbalan Dekan Akademik Pusat Pengajian dan Umum dan Mohamad Hafiz Rosli dari Fakulti Perniagaan dan Perakaunan.

Sementara itu, Jabatan Pembangunan dan Penyelenggaraan, Pusat Jaringan Komuniti, Aktiviti dan Persatuan Pelajar serta Pejabat Tadbir Urus Korporat dan Jaminan Kualiti memenangi kategori Pusat Tanggungjawab

Terbaik manakala Fakulti Perniagaan dan Perakaunan dan Pusat Pengajian Asasi dan Umum terpilih sebagai Fakulti Terbaik.

Prof. Dato' Dr. Mohammad Redzuan Othman, Presiden dan Naib Canselor UNISEL berkata, beliau bersyukur meskipun UNISEL merupakan sebuah institusi pengajian tinggi swasta, namun UNISEL mampu untuk menjadi pesaing kepada universiti-universiti awam yang lain. Tambah beliau, hal ini adalah kerana sokongan UNISEL mendapat sokongan penuh daripada pihak Kerajaan Negeri Selangor.

"Dengan transformasi yang sedang dilakukan oleh pihak pengurusan UNISEL, saya mendoakan UNISEL akan terus maju ke hadapan dan menjadi pilihan bukan sahaja pelajar malah ibu bapa. Saya juga berharap agar setiap anugerah yang diberikan ini akan menjadi platform kepada seluruh warga universiti untuk melakar masa depan yang lebih cemerlang dan gemilang. Semoga kejayaan anda ini menjadi tauladan dan inspirasi kepada rakan-rakan, keluaraga dan masyarakat," ucap beliau.

Turut hadir pada majlis makan malam tersebut adalah YAD Raja Tan Sri Dato' Seri Arshad Al Haj Raja Tun Uda Al Haj, Canselor UNISEL, YAD Dato' Setia Dr. Haji Anuar Haji Masduki, Pro-Canselor UNISEL, Prof. Dato' Dr. Siddiq Fadzil, Prof Adjung UNISEL, YB Khalid Abdul Samad, Menteri Wilayah Persekutuan dan Ahli-ahli Lembaga Pengarah Pendidikan Industri YS Sdn Bhd (PIYSB).

# LEBIH 1500 SERTAI PERARAKAN MAULIDUR RASUL DI UNISEL



Prof. Dato' Dr. Mohammad Redzuan Othman, Presiden dan Naib Canselor baru-baru ini mengetuai perarakan sambutan Maulidur Rasul Peringkat Universiti Selangor (UNISEL) yang berlangsung di kampus Bestari Jaya.

Kira-kira 1500 peserta termasuk 11 kontinjen daripada fakulti, pejabat pentadbiran dan persatuan pelajar menyertai perarakan sempena hari kelahiran Rasulullah.

Perarakan bermula seawal jam 8 pagi menyaksikan perarakan sejauh satu kilometer bermula di Pusat Islam dan berakhir di Dewan Canselor diiringi dengan dengan selawat ke atas junjungan Nabi Muhammad S.A.W.

Presiden dan Naib Canselor UNISEL dalam ucapannya berkata, sambutan Maulidur Rasul merupakan program tahunan UNISEL yang dianjurkan bagi menghayati perwatakan dan pengorbanan Rasulullah S.A.W.

"Alhamdulillah kita semua dapat bersama-sama pada program hari bagi meraikan sambutan Maulidur Rasul. Sambutan Maulidur Rasul 1440H ini diadakan bukan sahaja untuk menghayati perwatakan dan pengorbanan Rasulullah S.A.W malah untuk mengeratkan ikatan ukhwah antara kakitangan dan pelajar," ujar beliau.

Sambutan dimeriahkan lagi dengan penyampaian hadiah bagi pertandingan perarakan dan sepanduk tercantik. Kedua-dua pertandingan tersebut dibahagikan kepada tiga kategori iaitu pelajar, fakulti dan pusat tanggungjawab.

Bagi kategori Perarakan peringkat pelajar, Persatuan Pelajar Pengajian Islam mengungguli tempat pertama manakala bagi kategori Sepanduk Terbaik peringkat pelajar, dimenangi oleh Sahabat Pusat Islam.

Pejabat Pentadbiran dan Sumber Manusia (PPSM) muncul juara Pusat Tanggungjawab apabila berjaya meraih kemenangan bagi dua kategori iaitu kategori Perarakan dan Sepanduk Terbaik.

Di peringkat fakulti pula, Fakulti Komunikasi, Seni Visual dan Pengkomputeran dinobatkan sebagai johan bagi kategori Perarakan manakala Pusat Pengajian Asas dan Umum diumumkan sebagai pemenang bagi kategori Sepanduk Terbaik.

Dalam pada itu, Presiden dan Naib Canselor turut menyampaikan sumbangan kepada staf dan pelajar mualaf disaksikan oleh barisan pengurusan tertinggi UNISEL.

# GABUNGAN UNISEL-LUAS JUARA INOVASI PERINGKAT NEGERI SELANGOR

Gabungan pensyarah Universiti Selangor (UNISEL) dan Lembaga Urus Air Negeri Selangor (LUAS) yang dikenali sebagai SMART ORS berjaya dinobatkan sebagai juara pada Majlis Apresiasi Inovasi Peringkat Negeri Selangor Tahun 2018.

Hadiah tersebut telah disampaikan oleh YAB Tuan Amirudin Shari, Dato' Menteri Besar Selangor dalam satu majlis yang berlangsung dengan gilang-gemilang di Dewan Banquet, Dewan Jubli Perak Sultan Abdul Aziz.

Empat pensyarah tersebut adalah Prof. Madya Dr. Dzulkarnain Ahmad, Hazmin

Mansor, Mohd Khatta Marwah dan Mazian Mohamad kesemuanya dari Fakulti Kejuruteraan dan Sains Hayat bersama ahli dari LUAS iaitu Ahmad Faidz Razalli, Mohd Hafzan Sardi, Norirwan Mohamad, Mohd Norazmil Abdul Rahman dan Mohd Fikri Omar.

Mereka berjaya menduduki tempat pertama menerusi kategori Inovasi Sosial (Penambahbaikan) pada Majlis Persada Inovasi Perkhidmatan Awam Peringkat Negeri Selangor Tahun 2018 yang telah diadakan pada 25 hingga 27 September 2018 yang lepas.



# PENGAMBILAN **APRIL 2019**

## *kini Dibuka*



**YURAN PENGAJIAN  
PERCUMA  
RM12,000  
PROGRAM TAHUN ASAS**

\* Tertakluk terma & syarat

**YURAN PENGAJIAN  
50%  
LEBIH RENDAH  
PROGRAM DIPLOMA & SARJANA MUDA**

Daftar segera di [www.unisel.edu.my](http://www.unisel.edu.my)

**#YURANRENDAH  
#KUALITITINGGI  
#UNISELAWESOME**

